

ChL 9117.1148

10

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

OCT 11 1932



漁洋山人詩集卷九

哈佛大學漢和
圖書館珍藏印

丙辰稿

望醴泉柳菴諸蘭若却寄東癡

白首不解事青山長笑人夕陽谿寺遠煙塢
梅春流目謝高鳥懷芳紉綠蘋近慙徐處士
灑古衣巾

題家書後寄內

甲煎宿火照簾櫳簾外初弦月似弓取次玉梅
花勝雪故園應暖試燈風

過嵒華

嵒華相對玉孱顏五度經過未一攀
牀側都拋新蠟屐眼中虛負好溪山

呂忠節公輓詩二首

為敬芝侍御作

一自澠池渡風塵天地昏銅駝悲故國龍種失
王孫司馬空居洛巫陽詎返魂長令懷古者流
涕上東門

紫陌臨伊岸青山抱洛中殺函失天險父老哭
遺忠秉國人誰在騎箕恨未窮橋陵西望近應
逐鼎湖牙

為許生洲比部題梅淵公畫

栢視山中舊草堂溪流森森樹蒼蒼白雲谷口
不飛去卧聽松風春晝長

送嚴蓀友歸錫山兼寄秦留仙太史馬

雲翎孝廉

逸人困軒裳如鳥佛其首雕斂望青冥萬里亦
何有遐哉黃鵠舉所志在林藪東南有具區浩
蕩坤輿厚五州勢參錯龜甲布奇偶奇峰七十
二韓魏連足肘九龍一拳石獨立震澤右譬言流
星字字落地成杵白嚴子結廬處嵐翠滄虛曠

屋上第二泉出險清瀏瀏孤松繚十尋脩篁攬
千畝唯德必有鄰天馬龍爲友謂雲秦生參軍事
高牙鎮油口不異臣朔飢射覆誇窶窶寄聲碧
山社招隱來何後

題董舜民蒼梧詞追悼訐士文友

南望毘陵路江流日夜東應徐常調盡嵇呂舊
遊空才子蒼梧怨清詞白苧工依然鄰笛起悽
斷夕陽中

京師遇梅淵公

天畔澄江小謝城故人不見十年情相逢一笑

長安市席帽依然太瘦生

張友石戶部得雷氏琴

枯木向千載中有太古音君子重拂拭寄此山
水心閑庭何蕭條苔色上衣襟爐煙方斷續房
櫳杳森沉遙懷託散暢古調刪哇淫良以辨棄
志詎必徽黃金相賞在松石蕭然風滿林

送曹頌嘉舍人歸江陰二首

朝來抽手板長嘯片帆歸遙憶春申宅蕭條秋
鴈飛慈親認衣線稚子俟荆扉子亦懷歸者
搖心事違

寥落丹青引清門感慨多雄才失橫槊叛將未
收戈江縣稀烽火郊居掩薜蘿與君燕趙別岐
路一悲歌

送許竹隱之紹興三首

曩日征蠻府飄零萬里歸會稽鄉郡接太末
言稀時金衛漸平鰕菜連漁浦樓臺隱翠微由來巖壑
美終日愛清暉

一棹西陵去名山入剡中放衙臨鏡水行部逐
兼風江津寓高集兼康鹿空兼天兼霸越兼

一棹西陵去

蟬聲集深樹驛路遍槐花黃鵠逝千里浮雲天
一涯鶯啼范蠡宅草長謝敷家迢遞相思處春
風滿若耶

再送竹隱一絕句

五雲溪畔神仙宅芥子重來合得居猶記元郎
詩句好滿山樓閣上燈初
潮平月落西興渡定憶玲瓏唱我詩到日鏡湖
春色好也應囉嘖有新詞

贈葉井叔三首

別業在樊口門前臨大河樊水渺東逝大江從

北來蒼翠對吳峴崢嶸臨釣臺紫髯信已矣山
川鬱佳哉蕭條聳叟居門徑餘蒼苔隱跡既蕪
沒霸業隨飛灰唯傳退谷銘流風激蒿萊君詩
似聳叟令我懷抱開豈忘樊上居出處理亦諧
江湖就魚麥日夕增徘徊

作吏客伊洛門對嵩高山山色映終古客心長
自閑朝看飛鳥沒夕對孤雲還聞昔王子喬吹
笙碧落間揮手駕白鶴一往三千年至今緱山
上逸響凌紫煙夫君有仙骨雲駕如可攀遊日
憩嵐嶺躡足并天關盧巖瀑布佳百丈聞瑯瀑

懸流澌冬雪密樾生夏寒何當蠟屐來與君躡
飛湍

樊口去荆江雲濤渺千里估客日上下清風片
帆耳五溪有傳烽飲馬洞庭水鈴旂雲夢多悲
笳渚宮起南岳無迴鴈江介多封豕如聞樊上
居風土異南紀雞犬白雲中桑柘寒煙裏理亂
不復聞漁釣信爲美扁舟倘知津逍遙問園綺

再入戶曹戲作

休論顏駟與馮唐執戟重來鬢已霜慙悔儒冠
成底事却從陞楯羨諸郎

展子虔高歡歸晉陽圖

已下三首為宋牧仲比部題

黃河浩蕩流三城龍門底柱禹所營巨舟峨峨
 掉尾鯨乘風破浪來崢嶸身臨河魁賀六渾虬
 鬚虎視真天人紅粧執樂一千指玉貌錦衣充
 下陳黃頭鮮卑一何銳怒如攸飛軒猛氣露車
 載酒非狂生復有敖曹好兄弟當年霸府氣如
 虹洛陽三月珍珠紅韓陵片石紀元功晚逢黑
 獺非籠東熒惑一朝犯南斗下殿真成入關走
 傷心渭水日東流鸚鵡跣跣實戎首展生何年
 寫此圖丹青橫絕絕代無想見樞頭網惡馬如

此老公豈人下 周禮綱惡馬

吳道子鍾馗小妹圖

吳生畫鬼神妙絕古無兩夙生應帝釋威力懾
 夔魍此圖閱千劫筆勢窮象罔小妹氣魁岸廣
 眉半額額長劍高拄頤櫺具何倜儻小鬟捧劍
 室反唇微頰仰其一按樂句歌聲切雲上顧步
 乍蹀躞流目交眇矐紛髮下黉椎腫背上螿益
 人言鬼可憎此語定非枉阿兄在何許獨跨烏
 角鯨或云宗慤妹破浪助豪爽或云堯辟邪傳
 會出影響妄言姑聽之聊復得神賞說鬼老夫

能作詩供拊掌

沈周秋林讀書圖

白露變丹葉楓林颯高寒青山出白雲巖壑增
屏顏何人坐林中長日頽巾冠堯舜禹武湯如
擲羅簡編最愛青牛翁至哉五千言山風日蕭
條楓葉墮我前瀑布拏蛟龍赴谷爲奔川川上
小石磯磯頭插綸竿卷書即垂釣得意遂忘筌
我本山中人見此心依然何當及秋風歸剪茅
三間

移竹戲題

齋居飽藜藿兼旬食無肉昨從季王卜筮得蒼
筴竹入世二十年磬折仍負俗愛君霜雪姿磊
砢多節日秋雨日瀟瀟卧起箕箒谷露下更婆
娑官奴試難燭

雷雨

泚泚中宵雨天心乍洗兵誰能占噬嗑且欲掃
攬搶甲士猶傳箭丁男久廢耕三秦頻送喜新
築受降城

立秋後作

飄蕭雙鬢客天涯义手閑庭到日斜何處西風

近秋社滿庭寒雨落槐花

勾龍爽蠟屐圖

磊磊白石瀨落落松竹林林下彼何人蕭灑古
冠巾手中自蠟屐神氣何閑暢人生百年中著
此當幾兩晉人故多癖此癖復自佳錢奴身障
麤優劣何有哉兒子竟辦賊入戶屐齒折寧憶
剡中時長嘯泛溟渤兩人持高屐三人持衣裾
作佛靈運後習氣那復除奇哉勾龍生有此通
靈筆把臂方入林欲呼阮遥集

題留仙然竹集却寄

小孤山下江水白聞君去作潯陽客大別山前
江漢清憶君重過武昌城荆鄂相望纔幾驛憐
君來去隨潮汐盤中縷膾武昌魚座中人物荆
州鯽亦識王門懶曳裾參卿軍事復何如早將
表餌摧強敵莫爲窮愁且著書

秋夜聞鴈

耿耿漏初長沉沉宵未旦商飈淒戶庭華燈暖
幽幔瀟瀟終夕雨嚶嚶南征鴈竭來高柳隱遙
集瀟湘岸瀟湘兵氣多鳴鏑正凌亂紅蓼雜黃
蘆相依警憂患一身犯矰繳萬里違霜霰北嚮

早旋歸寧忘弋者歎

送徐武令

人生如飛蓬飄轉不得任與君十載別紫髯已
非故邂逅蔓草間爲君歌零露歌聲未及已離
觴忽復御森森江上波離離海門樹悵望秋風
時客帆此中去鴈飛京口驛潮落西興渡幾日
罷清砧閨中理紈素

詔菴學士移居

故人長安居門巷碧苔色徑僻少人過空庭唯
鳥跡長思茂陵卧未厭承明直仕官本易農胡

爲方食力圖書盈五車茅茨唯四壁室聞原夏
誦家鮮公儀織晨夕隔望衡徘徊坐成憶

唐寅紈扇圖

僖仔辭輦後無復承恩宴綠草萋廣庭流塵掩
華殿幽懷寄搗素密意題紈扇淒涼柘館閉繡
綰昭陽讌運往恩潛移常虞委霜霰太息木門
謠含情望飛燕

揖石圖

平生五岳懷寄此一拳石落落重甌具蒼蒼古
苔積且置南宮笏聊閑謝公屐石顧不重耶今

朝有揖客

送比部蘭陝兄歸常熟二首

又擬歸田賦離心不奈何丹楓吾谷晚秋水尚
湖波別墅親魚鳥涼衫蘘芟荷祇今論出處林
下一人多

朝市浮雲變名流碩果存濯龍衛尉騎羅雀故
侯門袞袞還如此悠悠那足論因君思舊隱水
竹渭南村

夢中作

源雲止復行水花開更落煙柳夕陽時蟬聲動

高閣

聽張晴峰負外彈琴

愛君園林好花藥幽蒙茸淶池澹將夕蘋未來
清風美人惜流景日送孤飛鴻何以寫我心清
響寄絲桐班姬淚秋殿箕子傷離宮瀟湘渺雲
水星月寒魚龍誰知園客絲窅默含無窮屈茨
間空侯繁音令人聾希聲愛遙夜思盡神相通
卷簾滅明燭月上聞秋蟲

和吳孟舉種菜

丈夫志四海隻手提天綱不然折尺筭為國咎

我羌胡爲坐袖手學圃耽滄浪澤國春雨餘溪
流碧泱泱戴笠日荷鋤土膏發勾芒曉露劑白
莧夕照分紅薑葵韭齏蓼蘇紛葩各成行緘緘
斑竹筍勢欲凌蒼篔簹登寒具筵糝用鹽豉香
野人食不鑿晨炊挈黃梁詎諳七菹妙聊喜四
體強便腹何貴人日羞大官羊不解出一竒嗟
嗟耗太倉鮭菜二十七風味輸庾郎儻許充園
官待我相攜將

送董樵歸成山舊隱

白社何年別威輦相逢颯颯鬚毛蒼飄零楚客

紉蘭佩蕭瑟無且剩藥囊隱處神山鄰九點愁
來兵氣動三湘水仙操罷扁舟去海水天風萬
里長

招魂

八桂荒雲外三湘落照中空城盡豺虎戰士幾
沙蟲生死無消息傳聞有異同招魂關塞黑杳
杳暗青楓

詠古一首

苦節不可貞高名信難處太行起中庭谿谷何
深阻力艱墉射隼機深壁忘鼠何如南山南荷

蓑看春雨

倉頭與廬兒時聽傳呼寵道逢東門候錄錄
謂學冗朱門忽雀羅白楊起孤冢狐兔穴隧道
牛羊上丘壠達哉素山松挽歌令人悚

題王文安公畫

為牧仲作

在昔孟津公諛嘲頗慢世結習稱畫師往往得
三昧山路緣秋毫上與青冥際孤舟泊風荻邸
閣懸水碓此境何蘄絕略與秦棧似忽憶大散
關巴馬金纏轡

秦中凱歌十二首

上相乘春西出師

至尊推轂建旌旗

兩宮

絡繹黃封下天廡飛龍賜與騎

新開麟閣賞元功頗牧重看出禁中此去西人

須破膽將軍昨日伐遼東

康熙十四年圖公以副將軍平察兒罕獻俘闕下

軍中歌舞喜投醪今下如山戒驛騷扶杖已聞

秦父老王師有詔肅秋毫

天上黃河萬里來巨靈高掌抱雲臺遙看丞相

行營過日射潼關四扇開

韓文公詩日出潼關四扇開相公親破蔡州來

涇原西北駐王師尺一無煩介馬馳共道皇

恩天浩蕩不教京觀築鯨鯢

莫愁登隴望秦川休道長安在日邊驛騎流星
催露布捷書二日到甘泉

虎狼十萬競投戈不唱三交隴上歌朝見降書

來北地暮看烽戍罷朝那

慶陽固原
相繼降

袞衣照路有輝光班劍威儀出尚方大將橐鞬

迎道左萬人鼓吹入平涼

三軍解甲隗囂宮百丈磨崖待勒功欲紀元和

天子聖更攜參佐上崆峒

丹青圖畫上麒麟五等俄驚寵命新未許熊羆

歸禁籟且懸堂印鎮三秦

部議圖海封二等侯
有旨封二等公

河西三將氣如虹百戰功名次上公 詔下一

時齊虎拜漢朝爭羨竇安豐

將軍張勇進爵靖逆侯提
督王進寶進奮威將軍

兵官孫思克
進涼州提督

三月軍鋒次渭橋旋看飲至紫宸朝空言韓范

威名六五路何曾制曩霄

秋夜

秋氣已沉沉閨中望遠心星河千里鴈風露萬

家砧隴水自嗚咽武溪多毒滯併將思婦淚遙

寄塞垣深

得秦留仙書知將入楚

還吳戀子舍適楚動離心列戍洞庭野征帆雲
夢林寒潮秋望遠楓葉暮愁侵此去逢漁父休
爲澤畔吟

寄汪鈍翁堯峰隱居四首

卜築何峰好堯峰近太湖蓴鱸供客饌橘柚足
官租泥飲從田父題詩付獠奴蕭然山澤裏真
有列仙儒
海內紛傳檄烽煙數驛騷筭緡諸道急伐叛幾
年勞久已疑吳淠頻聞赦貫高步檐還倚杖中
夜首應搔

黃公壚下過感舊每停車哀樂中年事艱難遠
道書新知虛託契老輩久離居生意憐枯樹婆
娑略似渠

欲訪天隨子來過角里村五湖正秋色一棹到
閑門林屋探仙跡咸池問水源嗒然白雲外相
對坐聞猿

有虎

丙辰八月聞蘆
溝橋有虎作

陸吾有九首遠在崑崙巔鼉圍特爪牙下游睢
漳淵大禹懲不若鑄鼎象神姦昏墊既已遠鳥
獸豈足患一從淪泗水於今遂千年朝出廣寧

門猛虎何般般昔聞善負嶠胡為來市鄜山谷
人氏稀鄜市多豪賢西顛正肅殺千里無人煙
延首望四海氛祲日相纏貔貙橫闖楚短狐肆
秦川爾虎不能啗橫欲當九關我思中黃伯拳
勇過孟賁左接太行猱彫虎乃右搏桓桓七萃
士奮怒殼黃肩前茅列鏡吹後車載斑斕無須
更搖尾藜藿餘空山

題江辰六借書圖二首

何處淹留可判年亂書堆裏日高眠何人解似
宣城守手為江郎割半檀

飲馬荆江戍火紅龐眉警客悔雕蟲諸生亦有
封侯相一卷陰符兩石弓

贈曹正子

曹有淶水送春帆
之句為詩所稱

淶水悒悒淨可憐春帆的的向吳天詞人愛道
澄江練遣與元暉句並傳

題冒辟疆姬人圓玉女羅畫二首

雪後空庭氣蕭瑟千頭綺竹尚嬋娟畏寒凍雀

不飲啄斜日踞枝相對眠

疎篁
寒雀

記取凌波微步來明珠翠羽共徘徊洛川森森
神人隔空費陳王八斗才

水仙

堂堂策策百千頭
荇葉菱花滿碧流
彷彿吳興騎馬處
江南風色白蘋洲

蘋花
戲魚

題汪季角百尺梧桐閣卷二首

別館多梧桐
偶此成幽寂
獨向高閣眠
夜聞疎雨滴

百尺高樓上
何人相往還
夕陽海門樹
秋雨江南山

再題梧桐閣卷

河漢澹中夜
碧梧陰漸疎
幽人坐高閣
秋色滿巖居
風竹同蕭瑟
蒼苔倦掃除
數峰江上好
朝

夕映琴書

聞季角言平山堂已脩復賦寄豹人定九孝威舟次

憶泛平山載酒隨
紅橋綠浪遠參差
玉勾斜在餘荒冢
春貢亭蕪沒斷碑
翠羽晚涼低水鏡
溪風斜日貼船旗
傳聞名蹟還留在
十載相望兩鬢絲

和曹陸海舍人壽良懷古二首

長城自壞復誰尤
戰地經過憶唱籌
野鳥啼春寺門寂
可憐猶似白符鳩

漁洋續集卷九
右鳳山寺檀道濟戰場

鐵槍名抵周陽五夾寨楊劉各一奇可惜英雄
為梁死不知世有鬪雞兒

右王彥章故宅

寄陳其年緯雲兄弟

陽羨田無恙何年遂耦耕銅官春薺長荆水暮
帆明睨皖黃鸝好風標白鷺清江南歌枕夢頻
到孝侯城

東城泛舟

秋氣軫楚悲商颯感梁賦河橋一騁望葉下亭

華樹叢鴈入雲飛沙禽出月船去暮鐘入驛懷誰
能嘆不素

荅盤山拙上人寄電光雲鶴諸集

曹溪遊萬里酌水問南能世界隨緣任人天最
上乘蕭然白足侶不作紫衣僧寄我新吟卷清
涼五月米

時自五
臺歸

漁洋山人詩集卷九

漁洋山人詩集卷之

新成王士禛詩上

下巳稿

仇英九成宮圖

唐九成宮圖
隋仁壽宮

君不見隋皇初作仁壽宮累榭宮臺宛然屬
 山堙塹幾百里役卒崩騰死堙谷功成厭見
 孤公不知怨自封郎築宮車晚出人羨數已
 迷樓起相續虬鬚真人西入關前呼六合
 長安青山碧水自無恙雕牆峻宇猶人聞
 年年春暮備法駕千乘萬騎曠屨齎醴泉
 湧出如沆瀣

下入涇渭爲通川步櫛周流鑿山翠雲窓霧
管空懸化人之臺屹中天銅鳥六月雄風寒
袞萬仞待驟馭咸陽宮闕如雲煙宮娃笑語翠
微上阿監絡繹青冥邊羽林千牛萬萬章解事
放馬紛華旃從來世事有倚伏太平倏遇開元
年白頭拾遺此駐馬愁聞林藪啼哀猿畫圖盡
見全盛日令我涕淚雙闌干

脚痛

去年牙齒豁一痛連驟車今年屢屢痛登岸
人扶吾年纔四十身家信在諸憶昔蓋金童

遊窮具區騰越如飛猿
峨竒觀凌清都兩脚輕屣顏
一彈指肉緩筋亦駑
况復苦踈盤舉步多
始悟成其腓初九利安居
既不策捷足安
泥塗誰能相比附如彼歷與驢

題昌黎詩後

淮陰舉足分項劉運籌帷幄鄴與留河汾門下
羅將相房杜李魏非常儔西京功業繼三代貞
觀仁義被九州惜哉韓公不及此但取將相酬

恩讐

牛捕魚追述淮上所見

朝過洪澤湖波浪如銀屋道遙魚蠻子跣駕兩
殼鯨風聲撼鮫宮雪浪及牛日奮迅絕有力快
作龍象蹴魚蠻坐拋網安穩如掣幅又如蕩輕
槳撇捩出洄汰奈何太牢氏凌暴及水族我聞
造化功生物異川陸爾牛司服箱播種宜種陸
胡樂狎波濤下與三足逐失性為不祥作詩以
相告

悼亡詩三十五首

吳張宜
人作

一錯誰能鑄六州葉砧無復望刀頭當年對泣

人何在獨卧牛衣哭暮秋

小小香閨熟女儀雞鳴長自軫風詩君如舊
齊眉日我愧樊英荅拜時

幾年踪跡判西東那得歡娛一笑同腸斷年時

垂淚別天涯辜負試燈風

予以丙辰正月十一
日北行遂成永訣

二十年前烹伏雌清貧風味兩心知奩中明鏡
流塵掩忍照吳霜滿鬢絲

門第河東雙戟圍當年燕子傍誰飛可憐陌上
花開後常送香車緩緩歸

小閣垂簾日掃除爐熏茶具宛精廬紅囊揀得

斂頭茗手淪清泉伴著書

千里窮交脫贈心蕪城春雨夜沉沉一官長物

吾何有却損閨中纏

直善切

臂金

辛丑春閩中友人許天玉公車過廣陵以資斧贖乏

告子滴無一錢宜人解

既上條脫付子贈之

焦蘇絕爨未知愁林下風期矢白頭廿載無衣

搜畫篋不曾悔却嫁黔婁

雪白花紅繡祿齊頻年磧面祝中閨牙牙學語

今何似忍聽驕兒索母啼

病中送我向南秦感逝傷離涕淚新長憶啼猿

斷腸處嘉陵江驛雨如塵

灞橋秋雨望秦川劍閣西風聽杜鵑萬里不歸

歸有路雙魚何處達重泉

寸草春暉恨未休何時負土泣松楸九泉憑報

慈親道四十兒今已白頭

先慈宜人以壬子見背

三載西風鴈影分登高淚盡隴頭雲從今腸斷

重陽節又採寒花酌細君

先兄西樵以癸丑秋歿

自失雙珠淚暗垂幾年石闕口啣悲而今一笑

黃泉裏玉雪嬌兒見母時

兒沂以辛亥殤渾以壬子殤

楚客秋悲易斷腸畏逢風雨近重陽那堪落葉

哀蟬曲恰為離人泥

乃計切

悼亡

宜人以重九後一日歿

早歲曾期共隱居，祇應桓孟得相如。青山縱有
歸來日，更與何人挽鹿車。
鋪首經秋澁綠苔，承塵蛛網任成灰。祇餘金縷
裙猶在，爭忍無情布施來。
遺掛空存冷舊熏，重陽閣閉雨紛紛。方諸萬點
鮫人淚，灑向窮泉竟不聞。
肅肅靈風冷，總幃亭亭孤月掩。重扉寶釵明鏡
俱黃土，悔煞秦嘉上計非。
帖子宜春認舊題，粧樓人去草萋萋。東風不落
歲粧鎖，一任空梁落燕泥。

樓角參差幾曲，攔繞攔親。種碧琅玕，與明昨夜
風驚竹翠，袖何人倚暮寒。

名園山色畫橋通，兩樹瓊花雪映空。一自東風

斷消息，更無人惜玉玲瓏。

外家黃山下東園，繡球二株，花
時甚盛，宜人。每歲新枝置膽瓶

中以
爲常

春前小別死生分，望斷新阡宿草墳。我似東坡
老居士，何年歸哭魏城君。

年年辛苦寄冬衣，刀尺聲中玉漏稀。今日歲殘
衣不到，斷腸方羨雉朝飛。

愁見新年改故年，朔風吹雪欲寒天。黃金屈戌

中宵閉長伴鰥魚夜不眠

續絃膠與返魂香碧海青天路渺茫若使少君

真有術不辭千里到稠桑

熒熒薤露葉還低華屋山丘理亦齊四十年來

成小劫匆匆何暇唱黃雞

春事愁中復病中可憐寒食到匆匆故園夢去

瀟瀟雨一樹棠梨照殯宮

光陰如水去堂堂纔過清明餅餌香故扇依然

畫蟬雀可憐零落篋中藏

維摩天女本同心不二門中事共尋今日臨岐

一揮手始知彈指去來今

藥爐經卷送生涯禪榻春風兩鬢華一語寄君

君聽取不教兒女衣

於戲切 蘆花

鶴骨維摩丈室棲此心已作絮沾泥了知起滅

無生死法喜如何更有妻

陌上鶯啼細草薰魚鱗風皺水成紋江南紅豆

相思苦歲歲花開一憶君

錦瑟年華西逝波尋思往事奈君何若為乞得

江郎筆應較文通恨賦多

宦情薄似秋蟬翼愁思多於春繭絲此味年來

誰領略夢殘酒渴五更時

北山兄約遊摩訶菴不果往却寄

天色欲雨鳩勃礮麥苗剡剡翠始齊白石莊前
入山徑已有犖确紛高低春湖靴紋漾綵繚遠
山玉立森角圭荷蓑鬢鬢驅繭粟垂竿拍拍驚
鳧鷖漁陽地寒花事晚春陰風氣恒慘悽今朝
乍霽日暄暖垂楊蘸水新生稊小桃點點杏苞
折裙腰草綠紛萋萋諸公躡青拂晨出果下街
尾聞驕嘶郎官頭白老簿領經年坐困如醯雞
自嗟樊雉苦籠繫決起安得排雲霓况逢寒食

催上冢紙錢麥飯澆棠梨感念存歿淚雙迸玉
壺那復相提携賦詩望遠但咄咄遊心已過香
山西

聞方山與北山諸公連日出遊戲寄

公子春蕪白鼻騮病夫擁褐客天涯城南幾日
無風雨十里徐熙落墨花

曹升六謝千仞携酒過飲宋牧仲張杞

園亦至同賦長句二首

陵州羅酒玉雪清青州金露琥珀釀直沽冰開
酒船到屬車捆載連瓶罌二子提挈肯過我鴟

漁洋續集卷十
尺交卧紛縱橫我愛徐景山不知曹事唯酒鎗
復愛謝安西玩弄元子如老兵眼中況是我輩
客談天炙轂聲彭觥一斗枯腸芒角生五斗曾
中鱗甲平一石曠若遊八極逍遙齊物無虧成
幽州二月草始萌小桃照地如紅鞞天涯酒人
不易得何必琴筑琵琶箏十擲輒捷詎緣拙三
語作掾誰所令蠟淚成堆冠憤墮西南月作金
盆傾

昔聞馬文淵居後欲輕前欲輕又聞樂將軍賤
貧辱身貴快意此語亦長者亦復非遊戲勁翻
扶搖九萬里豈識青真更垂翅鳶肩火色多少
年一老行吟獨憔悴唯應中山釀供我千日醉
馱馱爲載駝作羨有酒如澠那復記千秋亭上
相叫呼不知何與癡人事丈夫不得手執丈二
叉身領漁陽萬突騎親射蠻羶縛鬼章誰識登
先好奇計此酒須滿百斛船使我反覆沒飲如
渴驥子路百榼堯千鍾黃土誰能別愚智諸君
不醺閣當閉舉解徑須煩杜蕢

又賦絕句

石帆山後黃茅屋一樹寒梅作意香長憶花開

風雪裏卧聞春雨滴糟牀

宣和打馬圖

前馬奔馳後馬逐萬馬奔騰隘川陸初看逐隊
來玉門又見爭先度函谷虎曾彗尾骨權竒千
里追風競齊足傳聞天馬是星精豈與凡材同
碌碌扼窩據險一敵萬倒行逆施歛馳突漫言
稱德不稱力徑籥浮雲何太速得意橫行彼一
時詎少鹽車太行麓殺函哺秣朝飛龍咫尺君
門上天育那知高步易顛蹶夾漈一朝遭困辱
莫誇棗脯與文繡世事由來小有翻覆直須十丈

的顛飛待向黃池更歎玉

曹正子邀同家兄子側及諸君豐臺看

芍藥晚過祖氏園亭八首

回首旗亭畫壁時重來已是十年遲應劉逝後

風流盡只有恒河照鬢絲

昔合肥公招同公職茗文諸君遊此今公與公職皆歿矣

依然春草樊川路並馬來過覆盎門記得城南
天尺五綠蕪紅藥水邊村

陂塘點點烏犍出夏木陰陰白鳥飛也似江南
好風景水田一帶學僧衣

宮錦千絲費翦裁詎他婪尾殿春盃老顛騰欲

相料理乞取齊奴步障來
雨雨風風態自殊
花葉葉不曾孤
更添練鵲和蟬蝶
便是徐熙六幅圖
露濕春衣更不嫌
花枝姪姹雨廉纖
鬢絲禪榻心情改
閑看兒郎插帽簷
沙禽一事高格煙
柳斜陽初弄姿
更愛風標兩公子
水荳花外立移時
水檻清涼跂脚眠
菱花菰葉一溪煙
阻風中酒當年事
絕憶春江上水船

晚晴賦白鷺潛來今邈風標之公子

秦鏡詞爲素松籬作

熒熒古鏡雙盤龍
流傳本出咸陽宮
秦時明月至今在
剝落泥沙露光彩
當年秦并六國時
後宮閉置千雙眉
守宮注臂鏡照膽
三十六年君不知
華陰道上逢山鬼
輻輳東來祖龍死
美人鍾鼓散如煙
此鏡蒼涼閱朝市
憶昔大收天下兵
十二金人初鑄成
還令餘事作奩鑑
太乙下視蛟龍驚
劉興羸蹶何倉猝
金鑑千秋如一髮
秦鏡虛誇照膽寒
不照長城多白骨

漢祖入咸陽宮得方鏡廣四尺

九寸照見五藏見西京雜記

送韓武康

清遠吳興郡防風地最幽焙茶春崦靜收蠟午
煙稠問俗知餘不懷人弔隱侯到來矜拄笏紅
葉萬山秋

黑兔

烏非黔而黑鵠非浴而白五行各有稟理不相
假借爰爰東郭君託體依皓魄胡為明月精色
與玄冥易疑彼蟄食月兩吻未決拆搗藥不中
度翻為蟲豸涅貢君明白黑此事竟何益一笑
盃酒空不記狐非赤

吳匏菴有銅雀瓦硯以示某公惡曹氏

之人拔劍碎之沈石田為於扇上作
破硯圖商丘武進士胡琳得之珍秘
尤甚病且死手握扇不可解遂以殉
葬牧仲為述此事因作詩

古瓦出漳水黝質謝磨磋建安詎非珍苦為老
瞞浣拔劍等睨在白璧輕涕唾譬彼孔文舉氣
使丞相菱畫師石田翁援筆寫高座星斗忽破
碎珠玉紛錯磨為圖本游戲勝事遂流播異哉
胡將軍射虎黃間大結習嗜竒古購致雜坐卧
罷官無尺椽風雪甘凍餓提攜有神物光照幽

無復澄江載酒船折枝猶帶五湖煙香來月白
風清裏花放叢祠水驛前鴨唼池萍微雨後犀
垂簾押夕陽天魯連陂上新秋色觸忤閑愁又
一年

張晴峰負外園亭聽金山人彈琴同詠

菴學士北山都諫作

平生慕古澹頗笑箏笛耳愛此太古音寥寥寄
絃指客來江海上偶契希夷旨髣髴七里灘松
風入江水曲罷孤月明溪光散清泚王客一無
言露坐攬衣起

送新安許生生方城子

方城名楚有新
安江賦傳於時

一賦曾高六代名無人不道許方城郎君惜別
扁舟興夢想新安水至清

初秋示蒼水

零落交遊感式微與君邂逅忍相違隆中自許
真名士殿上誰知大布衣越燕巢空秋近社鱸
魚風起夢思歸先生未是平原客玉貌塵中見
亦稀

送浦潛夫

吳江有高士讀書慕皇羲心遠契一畫意得無

九師撻策筮嘉遯遂養丘園姿荒江屋歌斜臨
 鳥同朝飢在昔洪丞相經略天南陲君佐幕中
 畫倣儻復權竒試吏嶽麓下蒲鞭懸不施丞相
 解兵柄角中東第歸君亦困株木周道多蒺藜
 投賦汨羅岸弔古湘妃祠歸吳二十載飄蕭雙
 鬢絲丞相宰木拱部曲無復遺重來渡易水感
 激酬恩私慟哭龍驤塋手刊第二碑袖中周易
 編未有君平知徒步過市中塵染蒼浪髭湖南
 方用兵馬飲瀟湘湄辱在卿大夫脩劍空在願
 老子好竒計才鋒尚如錐無入為薦達垂老嗟

數竒古王者行師必鑽九州龜君書實有用足
 為王伯資秋風動鱗甲扁舟犯連漪白首抱遺
 經具區卧茅茨季主定捧腹高賢當為誰

張貞外園亭送金山人歸越

客有越鄉感抱琴辭上京離堂秋月色別思楚
 鴻聲水國三千里冰絃一再行成連何處去今
 夕獨移情

葉丙霞祠部歸自虔南見示圍城詩

與君憐麥秀秋晚別朝歌亂後音書濶年來華
 髮多西南方帶甲章貢幾橫戈不少陳琳檄頭

風愈若何 壬子與祠部別於衛州

文姬歸漢圖

宋南渡祇使司張其畫

大漠茫茫沙草枯
天蓋四野如穹廬
陰山秋高雪片麤
朔風中人金僕鐸
高飛鵠轉追韓盧
前行一馬建隼旗
後有數馬鳴相呼
尾鬣蜷縮慘不舒
馬蹄流血冰裂膚
蕃兒漢兒手口瘡
相顧不能鼓籠胡
文姬玉面貂襜褕
聳肩顰黛愁不娛
越燕向日思南徂
君獨何為苦嗟吁
堯離窈停非故都
魂消影絕悲兩雛
歸來為公寫遺書
名在列女丹青俱
老瞞睨鼎日睢盱
破壁牽后

如收孥獨能千金歸
蔡姝吁嗟高義今已無

金孝章先生以壬子冬盡梅寄予兄弟

今六年矣丁巳七月先生之子祖生

至京師始見之而先生與先兄考功

皆已下世愴然賦詩四首

劫取銅坑玉一枝
江南春贈隴頭時
到來已是塵沙劫
賦得瑤華欲寄誰

維摩方丈幾黃昏
春草禪房日閉門
成佛生天

兩何處暗香疎
影為招魂 十笏先兄堂名春草開房先生所居也

花時鄧尉夢無聊
十七年來似暮朝
恨不相攜

風雪裏短篷同繫虎山橋
當年五字寫柴桑又寄孤山世外香
一幅生綃
子載意也應配食水仙王

辛亥歲先生手
寫陶詩見寄

西蜀

唐家宰相迴翔地漢代公孫割據秋
劍閣嵯峨仍北向彭門波浪自東流
風雲諸將爭秦棧鼓角中宵夢益州
何日西南銷戰伐浣花行樂看
遨頭

送衛爾錫簡討謫判霸州二首

昨夜青綾被蕭條秋氣滋
今朝白羽扇捐棄篋

中時戀闕心仍苦投湘賦漫悲涼
溫從此別行矣歲寒期

聞君休沐暇卜築遠人閒
門外河汾水窓中姑射山
正牙方引對小郡忽投閑
詎厭承明直時清且抱關

送蒼水入閩同詠菴限韻

吾友有董生其人仁且勇
突兀百尺桐疎枝上孤聳
故交久零落予髮亦種種
京雒晚得子喜甚獲璧珙
愛我齋閣閑屢過聽寒葢
說劍森星芒論文豁塵壅
爭道句踐家澆酒望諸冢
飛煉

君詼嘲支離我擁腫驚君豹文變愧我牛革鞞
長安競高貲君獨愛散冗抱關不碌碌坐聽傳
呼寵水東葉學士步屨每接踵城北有徐公剝
啄喜音登滑稽愛陳遵法度跂張竦懷古思贈
縞閱世鄙登壘孟冬十月交鳥獸始毛毳離顏
慘不悅告我將發輶岩堯仙霞關峻絕逾上隴
搖郢昔旅拒八郡紛洶洶李絳墓未祭孟衢馬
誰駭見公羊傳孰職為亂階彼哉微且漚天心昨悔禍
稽顙紛萃從士有朝食銳軍無夜呼恐君今輿
轎度見漢書憶昔戈船踴我聞龍伯釣一轄六鼇擁

不如學詹何妙用獨繭蛹君行宜勉旃吾道視
輕重

哭劉公弼吏部二首

零落親知更有誰聞君訣去不勝悲彈琴古調
千秋絕說劍雄風一代竒舊館脫驂應出涕天
涯磨鏡是何時故人雙鬢蒼浪在賸欲判君第
二碑

廿年藝苑忝同遊迴憶音塵淚不收結客曾傾
四公子論兵欲動五諸侯星各故人半化遼東鶴
世事終輸閣道牛手定君文纔幾日可憐馬策

勸西州

丙辰春先生以全集寄予論次

四公干 荅徐勝力二首

鴈門太守解食鴈豈識涼州皇甫規王符到門
倏驚起屣履出戶倒裳衣折楊皇華萬夫和清
廟朱絃知者希潛夫論就自愛惜會有知我傳
來茲

我來都門得二士董生

水荅

磊落君多聞董生萬

里適甌越君也飢餓留燕雲登車不落為著作
笑君何意窮皇墳被褐懷玉莫太息他年定可
張吾軍

見北山兄遊西山詩示謝千仞

吟眺清暉思不窮昔遊如夢幾人同憶君共躡
西山雪坐聽清猿萬木中

山茶雪兔

石罅猩紅透幾枝花間東郭眼迷離漫天風雪
鷹初擊正好營君三窟時

郭河陽雙松平遠

為牧仲題

石骨峻嶒五鬣盤河陽筆底傲秦官興亡七百
年朝槿留得蒼蒼耐歲寒

分賦得魏相贈環溪先生

弱翁漢名相功實蕭曹繼為政絕更張奉行唯
故事上書罷副封上下無壅蔽煌煌漢中葉英
明啓宣帝治術雜申商相業稱丙魏遺烈方在
今流風沂家世

偶成

樓卿巷有將軍掾揚子門無卿相輿閱盡世情
堪一笑絕交論續絕交書

送湯西厓歸武林兼懷陸麗京二首

湯生瓊樹枝落落有風舉作客時越吟入座雅
吳語未必長賤貧誰能久羈旅夢逐錢唐潮離

送湯西厓

我愛陸翁生麗然遂遠世打劫台宇雲飛錫南
華寺作見杜心然與舅乃酷似儻寄空中書傳
于翠雲思

送共昉思由大梁之武康

澤腹堅凍水峨峨舳舻銜尾填漕河北風吹雪
如鶴鵝急裝結束虺驢馱欲向夷門訪朱夾使
從燕市辭荆軻三年京國何所見日中攘攘肩
相摩呶訾嗑啗時所愛翫饜詎免常人訶亦知
貧賤世看醜耻以勁栢隨蓬科我哀於世百無

用似屋深閉如廬螺蒼苔被堦寒雀啄汝何愛
之類來過耳語似鄙程不識騎危解笑公叔憂
吳興清遠我夢到水精宮在琉璃波防風古國
更幽絕餘不溪水清逶迤山歌處處採茶芽
昔往往穿菱荷西陵潮信近尺咫方言百里無
差言勸君上築豈無意貞曜故宅留山阿結鄰
尚友亦不惡溪山況足供妻妾名高身隱恐難
得丈夫三十非崖陀朝廷正須雅頌手待汝清
風

送張子公郎中

能詩何水部 恩許片帆歸
慈竹台前長暮令
沙際飛梅花迎驛路
臘酒熟柴扉獨有
離居者
依依心曲違

應中陶季江辰六詠洞庭詩并話

南山水二首

三湘夜雨五溪遊
曾話秦淮風露秋
十七年來
頭鬢白聽君高唱
岳陽樓
順治辛丑在金陵聞何行人
湖南山水之勝今十七年矣
白蘋風色番君國
斑竹啼痕帝女靈
今日衡陽
兵甲滿九疑何處數峰青

可稱佳味特賜卿等使知名山風土也臣等恭
逢異數謹拜手稽首賦詩進呈

春直銅龍晝未闌忽傳天語下雲端名山包
貢來中禁珍賜封題出大官曾耻稻梁縻厚祿
敢忘藜藿負儒冠宛然身到清涼境聖王恩
深勝露盤

蒙

恩頒賜

御書恭紀四首

有序

閏三月二十八日中書舍人臣士奇賚

御書至南書房賜學士臣廷敬侍讀學士臣方
藹侍讀臣士禎臣得存誠大字唐人張繼楓橋
絕句又石刻清慎勤恪物大字一幅共四幅仍傳
諭云前賜講筵諸臣石刻爾士禎未與故特補
賜二幅

承恩秘殿許從容宸藻驚傳啓御封天上
墨池春晝永親從九五見飛龍

元武門邊侍直餘淋漓飛白紀恩初從今不羨
鍾王蹟曾向雲霄捧御書

謨誥文章雅頌詩鸞停鵠跼幾人知毫端已見

宸心正不待誠懸筆諫時

蟠螭小璽映珊瑚錯落銀鈎筆陣圖寄語紫薇

花下客休誇三十四驪珠

宋臣蘇軾通英賜御書詩云袖有驪珠三十四

賜貢茶三首

朝來八餅賜頭綱魚眼徐翻晝漏長青箒紅籤
休比並黃羅猶帶御前香

兩府當年拜賜迴龍團金縷詫竒哉聖朝事

事寬民力騎火無勞驛騎來

春旗焙出黃芽熟雲液烹來綠脚生身到九天

餐沆瀣不須消渴望金莖

櫻桃

緗葉紅葩下玉墀隋珠萬顆籠青絲侍臣早

華林種恰及含桃薦廟時

賜櫻桃漿

色映琉璃得未曾涼風長日拂觚稜人間不

嫌山雪天上新逢玉井冰

孝昭皇后挽詞六首應制

金兒流塵掩瑤齋寶幄空禁花零曉露苑柳泣

春風思媚傳千古深恩徧六宮唯留歌詠在應

與二南同

上壽 慈寧日人知內則賢徽音殊未遠 文
母至今憐淚濺鶯花色神傷袂襖天淒涼餘故
館猶近濯龍前

秘殿傳金策神人覆玉衣四星初應曜一鑑忽
藏輝脫珥言猶在乘雲馭不歸 皇情宵旰切
永巷漏依稀

萬乘親臨送容車出國門羽儀辭禁掖笳鼓望
陵園素旒浮雲慘青山落日昏臣民同雨泣哀
動鳳凰原

西汜沉寒月中天澹夕陽愁雲低壠樹春禁罷

公桑楚挽蘭風寂虞歌薤露長通靈應有夢可
到紫宸傍

渺渺沙河道淒淒玉輦空綺疏扃夜月總帳肅

靈風故劍 皇心切謂仁祠官禮數同榮名綸

綽貴早賁九原中

御苑人參應 制

秀色青葱別舊蹊移來雙闕翠痕低不因身到
甘泉館幾見仙苗五葉齊

大西洋貢師子歌應 制

古云狡狴日走五百里遠隔流沙生月氏康居

疏勒曾一獻丹青顧陸矜神竒夙聞其名思一
見玉關迢遞天西陲况復野千日鳴噪安得一
吼驚嘖嘖 聖人有道十七載景風海外舟車
馳元龜象齒紛置驛文犀桂蠹羅庭墀大秦之
西國絕域懸撞度索來數期厥有神獸備方物
波濤遠迸蛟龍隨海人泉客盡避徙朱衣絳幘
不敢窺形狀瓌詭氣奮迅日光睽暘毛彤彤巨
鬣毳髦尾如斗勁毫柔毳相離披發聲殷其雷
破壁顧盼已却千熊羆乳虎犛牛望辟易何論
六駁兼文狸搏象搏虎具全力威在齒尾非毛
萬古傳風詩

蒙

恩賜觀

御製詩集恭紀十六韻

聖王崇經術雍熙暨八荒鴻名垂海嶽重譯集
梯航雲物生松棟音徽嗣栢梁宜民期太昊訪
道媿軒皇嚴漏趨丹陛清秋屆白藏承恩披雅

頌開帙粲琳琅體配江河紀芒涵日月光
宸衷羅武庫台象接文昌氣邁三侯壯思深六義
長銀鈎輝琬琰錦字溢縑緗劍閣看雲合橫汾
詠菊芳雄篇包宇宙細律叶宮商寶鼎歆金景
聯珠照玉堂微臣依黼幄朴學愧青箱極北常
瞻斗周南啓面牆賡歌知莫繼永此戴 天章

恭和

御製賜輔國將軍俄啓詩

有序

八月二十日內直同學士臣廷敬侍讀學士臣
方藹臣英中書舍人臣士奇奉

吉賦

宸章高視漢歌風絕技爭傳兩石弓自是 君
王勤拊髀一時龍種盡英雄

送同年蔣大參之武林

持節錢塘去金焦二月時江山南渡蹟風物表
忠碑河漕勞輸輓朝廷仰度支到逢寒食後槐
火試雙旗

懷丁鴈水武選

時王師初
平漳泉

愛君吟五字風格擅黃初別後惠思我詩來常
起予軍中馳露布海上罷巢車無恙圍城裏牙

籤舊賜書

簡山長從兄

向有別業在隨州時教授武學

浮家漢東國野圃樹千章古岸臨清澹荒池弔
季梁微宮傍雙闕歸夢渡三湘何日烽煙息朱
陵問草堂

寄竟陵吳既閑兼懷胡君信二首

聞道東湖隱頻年杜德機水花當晝淨鷗鳥入
門飛白首遺經在青山舊業微漢朝多掌故誰
受壁書歸

獵火連雲夢悲笳激渚宮江相多飲馬天姥一

真鴻漁唱花間權炊煙雪後蓬祇應胡伯始來
在此牆東

螢

寂寂青苔徑蕭蕭白板扉天河垂近戶螢火坐
侵衣穿竹淺深見因風高下飛隋家無舊苑甘
照讀書幃

蟬

雙樹有鳴蜩孤情伴寂寥自緣飽風露不肯逐
金貂驛路關門雨斜陽浦岸潮年年行役處為
文幾魂銷

庭樹

庭中兩嘉樹歲歲發華滋斜照連疎雨清陰散
碧輝稍宜漆園吏誰賦角弓詩舊業清溪曲
重覆短籬

蘇門三賢詩 有序

張于度

蘇門孫徵君曰于度為鹿伯順高弟從予五十
年未嘗或離左魏之難履虎尾涉春冰烈士之
名滿天下卒歸老蘇門高蹈遠隱志士不忘蒿
望其庶幾乎于度名果中容城人葬夏峰北原

明運昔中地奄豎奸太位女冠是南帝致
北寺誰實鈞黨魁嶽嶽左與魏一朝檻車徵宰
戶事陰秘傷哉史弼言茶甘乃如薺容城有布
衣發憤亡鯁避要鎖理太尉舉幡訟司隸貫城
渤海生赤憤夏門吏桑海四十年往事如夢寐
骨歸蘇門山名在顧厨次

理寒石

本李姓也名榮和西華人耻與逆闖同姓改曰
理孫徵君與西華左今書稱為魯連後一人
魯連蹈東海其志耻帝秦龔生天天年詎知有

美新陶公懷晉室聊存頭上巾嗟哉均埒流乃
愧青巖甄西華理寒石爲儒甘賤貧奉母蓬蒿
罕歸潔恐辱身破鏡與鏡同交蹄跡神州日沉淪
靈氛久上天呼號竟無因感激變姓名下士良
苦辛何人傳節義誦言聊一陳

餓夫

豆姓字了凡蠡縣人遭闖亂棄諸生客饒陽爲
鄉塾師已而從孫徵君於蘇門或授之粟不受
竟坐死嘯臺之旁徵君題其藏曰餓夫墓
嗟教呼餓人不受嗟來食使之當大事必讓

乘國靈輒餓賢桑倒戟一何力簞食不忘報竟
脫宮甲逼蘇門有餓夫風節夙所植生餓蘇門
下死葬蘇門側嘯臺高峨峨百泉流湜湜清風
一相映泉石起寒色遐哉首陽薇千古長太息

山鷓

秋葉下庭樹飛來山鷓鴣寧因避珠彈只合傍
金鋪清唳雲中鶴晨飛煙渚鳧微生各情性太
息羽毛殊

藝圃雜詠十二首

爲萊陽姜學在賦

南村

豈知城市間村路忽超遠曖曖桑柘陰晨光散
雞犬應有素心人空林共偃蹇

鶴柴

長身兩君子宛與孤松映三疊素琴張一聲遠
山靜嘹唳月明時風泉雜清聽

紅鵝館

疏館籠鵝羣素羽臨秋水濯濯映鳧翁沿流亂
芳芷乞寫茴香花共入丹青裏

乳魚亭

幽人知魚樂爲復知魚計策策與堂堂宛有江

湖意時逐落花來更向空明逝

香草居

湘君遺遠時汀洲搴杜若菲菲來襲予脉脉情
相託常恐鷓鴣鳴芳香坐搖落

朝爽臺

崇臺面吳山山色喜無恙朝爽與夕霏氤氳非
一狀想見拄笏時心在飛鳥上

浴鷗池

海鷗戲春岸時下池塘浴何樂從君遊忘機自
馴熟不用駛爰居朝朝泛寒綠

度香橋

陂塘何逶迤飛虹鏡中起但聞功德香都不辨
花水鼻受心已著遂契無言旨

響月廊

脩廊非一曲窈窕隨清樾掃地坐焚香心跡兩
幽絕簌簌風蕭蕭無人見明月

垂雲峰

具區三萬頃竒峰七十二割取一片雲虎牙白
孤銳颯然山雨來咫尺流雲氣

六松軒

鬚翁閱千歲纔如熟羊胛不逐桃李妍何妨雪
霜壓可望不可狎愛此李鱗甲

繡佛閣

樓閣衆香中日夕供調御仙梵遠蕭條隨風不
知處更有迦陵鳥聲來貝多樹

為尤展成悼亡三首

時予喪張宜
人未三載也

三年明月鑒虛帷那更吟君惆悵詩不分阿灰
腸斷句黃昏微雨畫簾垂

金昌亭下柳毵毵長記烏啼送曉驂風景不殊
人不見謝家飛絮滿江南

入洛相逢亦偶然淮南小別十經年不堪洗馬
言愁日無復清河贈婦篇

陳其年索詩送王生之襄陽

試說襄陽好曾遊路不迷江帆過峴首水竹繞
檀溪市上江陵估機中竇氏妻不知征戍後誰
唱白銅鞮

送陳子文之安邑丞四首

我愛田子方同時段干木高義動諸侯清風激
頽俗聞鍾知左高佳言足三復下車或式閭寧
免踞堂辱斯人邈已遠餘韻留鄉曲賢哉魏成

子千秋擅遐躅

峨峨中條山迢迢涑川汜人物表西河派風至
今美陳侯東海來高文一何綺閭闔籥浮雲隻
絕致千里自抱萬古心五斗焉足耻虘沱冰上
渡故關雪中啓懷古多遠情到官正春水日送
中條雲松風滌雙耳

騏驥服鹽車躑躅上虞坂山石何磽聲日暮途
且遠道逢紵衣惠未敢悲晚晚仰首奮長鳴匪
日思一展譬彼軼世士遭時未離蹇君過虞坂
上懷古向陵緬古之賢達人澄懷善舒卷

森森沅湘流香草日以蘭鬱鬱徂徠松百尺凌
歲寒君子重結交貞固期不刊解巾二十載閱
世如波瀾菟枯既以移素心良獨難喬木隱窮
巷飢禽噪簷間君偕辛齋叟時時造門端告我
媯汭行能不傷肺肝保此金石心在遠義亦安
不見蕭長倩錄錄曾抱關

題毛會侯垂竿圖

家在富春山山水何清妙朝與桐君遊夕狎狂
奴釣

王咸中石隴山房四首

我愛堯峰叟謂汪鈍翁憐君比屋居雲林交罨畫煙火
共村墟顛倒牀頭屐逍遙谿上漁漢陰雞黍約
今古意何如

高情耽野逸文采舊清門

文恪公齋孫也

跡與市朝遠心

將達者論飛泉晴界道脩竹雨連村誰識逃名
客蓬蒿方灌園

心遠地仍偏琴書雜坐眠湖霜收橘日社火焙
茶天人意孤雲外山容太古前叩門田父至禮
縷亦欣然

筆墨誰能事吾宗今右丞

茂京舍人作石隴圖

悠然輞川路

寫向剡谿藤短笱宜行藥空林偶飯僧片帆天
外影興到直須乘

古詩荅金穀似

西山紛鈎綿具區遠泓崢巖洞既殊麗草木滋
鮮榮靈威古丈人素書發其英千載多秀民游
札高令名昔聞夫子賢乃自長洲生鈍五經何
紛綸七略亦縱橫提攜吳純鈎落筆千天精相
思二十年無由達中誠都門競雖刀車馬如踐
更不解作高髻誰與爲目成昨者在佳贈其言
明且清賦詩備二類餘音散鯨鏗顧慙實不腆

欲報無瑤瓊自非揚盼流詎曰知駸明矧子少
而賜執手安敢輕來小詩有云儻無斂
器言堂下失醜蔑悉索固所願毋
爲笑荒僮

送宋牧仲貧外推贛州四首

都亭一樽酒落日照行軒帆下潯陽郭春過敷
淺原故人持使節微尚愛丘樊想到西林寺清
吟和夜猿

文成誓師處慘澹尚聞笳野戍青山遠荒江白
日斜春風渡蛟浦夜雨宿龍沙戰地多新鬼須
添兩鬢華

章貢交流地孤城百戰餘江山應不改父老問
何如五嶺稀烽火三湘動羽書似聞兵馬後租
賦未全除後月餘有旨
盡蠲江西逋糧
贛石三百里寒江尺五流帆檣來島客風物逼
炎州試訪端明蹟應懷清獻遊山川供嘯詠莫
似賈胡留

九日寄說巖院長訥菴學士

二公向
同內直

沉寥天氣渺愁予無恙黃花伴索居江介龍巖
聞漸徙時閱茶陵
湘潭捷鄉園鴻鴈近何如千門落照涼
颼發一片寒砧木葉疎遙憶故人清切地登高

彩筆奉宸輿

以昌樂筆送容齋閣學戲成

承旨歸來每日曛揮毫猶足張去聲吾軍只愁坡
老三錢筆難稱郇公五朵雲

荅徐東癡隱君小雪見懷之作

積雪東原路孤村似剡溪幾年阻乘輿千里憶
幽棲凍雀柴門掩寒煙古木齊不逢洛陽令僵
卧到晨雞

同施愚山陳藹公集山史從兄昊天寺

寓觀唐子華水仙圖

先生舊隱三峰椒太乙玉女時招邀秦都漢時
一蟻垤日翫易象窮昏朝蒲車應詔謝賓客
城西古寺風蕭蕭殘碑老樹氣象古涼衫重戴
風神超八鬪喧闐不到此兩三素侶還相要殘
冬氣暖似吳越佛香入院鍾魚飄徐出一軸自
拂拭古光黯澹生鮫綃青峰出沒高歷歷海天
萬里迴春潮仙人綽約駕雲氣飛龍決起橫煙
霄六銖衣輕逐風舉熒熒顏色如陵苕四座咨
嗟歎竒絕倏乘六氣遊空寥子春一去伯牙逝
海波汨沒秦人橋君歸西嶽望東海齊煙九點

非迢遙

題龔節孫種橘園二首

震澤鱸魚欲上竿千林風露熟金丸美人無事
披香坐領得頭銜是橘官

會稽內史風流甚三百封題引興長何日扁舟
洞庭上與君小摘滿林霜

題陳其年填詞圖

玉梅花下交三九其年詞句紅杏尚書在擅名記得微
吟倚東閣梅花如雪撲簾旌

送陳子萬之黎城丞二首

美人為政太行西到及人葭五葉齊頗憶故園
風物否白雲紅樹滿荆谿

欲別梁園風葉涼銅鞮山色望蒼蒼主人奉自
漁樵侶小吏何勞鴈鷺行

題喬子靜桃花流水圖

青山白雲外合沓無終始小艇漾溪流幽興何
窮已夾岸桃花林連綿復相似落英正繽紛芳
草亦鮮美茗椀置船頭笻筇掛船尾不愁風水
逆去任皆可喜儻遇避秦人或逢鬼谷子鸞嘯
一迥然沙禽忽驚起

淡粉思送湖上舟行二絕句

震道前溪似若耶行勝處
溪山好第一先分顧渚茶

周妻阿衡剛恨塵玉版聊堪結
斑竹笋從今休笑庾郎貧

送黃俞邵南歸

夢寐帝鳥繞北堂麻衣十月前
門前

舊唐客送遠驚心淚
行

